



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400; 726 412  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-408-2/22**

Datum: **06.10.2022. god.**

«Agencija za vodno područje rijeke Save» Sarajevo rješavajući po zahtjevu Investitora INCOLLA d.o.o. Lukavac, koji je podnio zahtjev za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta namjenjenog za proizvodnju i veleprodaju selotejp traka, na osnovu člana 139. stav 1. tačka (3). Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **ZAKLJUČAK**

1. Odbacuje se zahtjev podnesen od strane „INCOLLA“ d.o.o. Lukavac za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta namjenjenog za proizvodnju i veleprodaju selotejp traka, na zemljištu označenom kao k.č. broj 1530/3, 1529/3 i 1523 K.O. Puračić, Grad Lukavac, s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Za planiranu odvodnju voda u putni kanal, odnosno njegovo zacjevljenje, Investitor je dužan pribaviti potrebne saglasnosti vlasnika a sve u skladu sa članom 150. Zakona o vodama.
4. Ovaj Zaključak može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Podnosioc zahtjeva, „INCOLLA“ d.o.o. Lukavac, dostavio je dana 11.08.2022. godine zahtjev za izdavanje prethodne vodne saglasnosti za aktivnost ispuštanja tehnoloških otpadnih voda iz planiranog poslovnog objekta namjenjenog za proizvodnju i veleprodaju selotejp traka, smještenog na zemljištu označenom kao k.č. broj 1530/3, 1529/3 i 1523 K.O. Puračić, Grad Lukavac, a u postupku izdavanja urbanističke suglasnosti.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra od 30.10.2014. godine izdat od Općinskog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 03.11.2014. godine;
- Ovjerena kopija katastarskog plana R 1:2500 – Grad Lukavac, 29.07.2022. godine;
- Zemljišnoknjižni izvadak broj: 126-0-NAR-22-000 781, ZKU broj 2475, K.O. Puračić, Općinski sud u Lukavcu (kopija);
- Dokaz o uplaćenju upravnoj taksi;
- Studija za prethodnu vodnu saglasnost za izgradnju poslovnog objekta u naselju Puračić, Grad Lukavac, broj: 563/2022, juli 2022. godine izrađena od TZI INŽENJERING d.o.o. Sarajevo.

Na osnovu dostavljene dokumentacije, činjeničnog stanja i raspoloživih podataka utvrđeno je sljedeće:

- Planirana je izgradnja poslovnog objekta namjenjenog za proizvodnju i veleprodaju selotejp traka na zemljištu označenom kao k.č. broj 1530/3, 1529/3 i 1523 K.O. Puračić, Grad Lukavac. Objekat je dimenzija 31,20 x 18,30m<sup>2</sup>, prilagođen proizvodnji i veleprodaji selotejp traka.
- Tehnološki proces koji će se odvijati u predmetnom objektu se sastoji od rasijecanja i premotavanja velikih džambo rola mašinskim putem na određene dužine i širine, po zahtjevu kapacita. U postupku proizvodnje ne nastaju tehnološke otpadne vode.

- Održavanje čistoće u objektu vršiti će se suhim postupkom (metlom i usisivačem), bez mogućnosti ugradnje podnih slivnika i odvodnje unutar objekta, tj u procesu rada neće nastajati tehnološke otpadne vode.
- U predmetnom pogonu ne nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja otpadnih voda u smislu odredbi člana 139. stav (1) tačka 3. Zakona o vodama.
- Ukoliko tokom korištenja dođe do promjene tehnološkog procesa koji se odnosi na eventualnu produkciju tehnoloških otpadnih voda i njihovo ispuštanje, korisnik objekta dužan je da podnese zahtjev za izdavanje vodnih akata nadležnom organu.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. tačka (cc) a u vezi tačke (s) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 218. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu zaključka.


#### **UPUTA O PRAVNOM LIJEKU:**

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka

Nihad Pezo, dipl.inž.građ.

**Po ovlaštenju  
Rukovodilac sektora za izdavanje  
vodnih akata**



**Haris Ališehović, dipl.inž.građ.**

Prilog: Federalna upravna taksa – biljeg, u iznosu 3KM.

Dostaviti:

- INCOLLA d.o.o. Lukavac, ul. Kulina Bana bb, 75300 Lukavac (Prilog)
- AVP Sava, ISV - Vodna knjiga
- ⊖ Sektor 40, arhiva
- AVP Sava - Oglasna ploča